

## **UGOVOR**

### **o pružanju usluge pristupa globalnom internetu II-LOT 2.**

Zaključen između Ugovornih strana:

**1. UNIVERZITET U SARAJEVU, Obala Kulina bana br. 7/II, Sarajevo**, koga zastupa rektor prof. dr. Rifat Škrijelj (u daljem tekstu: Ugovorni organ)  
ID broj: 4200494560007 i

**2. LOGOSOFT d. o. o. Igmanska 9, 71000 Sarajevo** koga zastupa Damir Dizdarević, zamjenik direktora i Žana Čubrilović, izvršni direktor za finansije (u daljem tekstu: Izvršilac)  
ID broj: 4200236190009  
Transakcijski rn.: 1401051120011404 kod SBERBANK BH d.d. Sarajevo

Ovaj Ugovor se zaključuje na osnovu Odluke broj: 0101-3358-LOT 2./17 od 17. 07. 2017. godine o izboru najpovoljnijeg ponuđača, koja je donesena nakon provedenog OTVORENOG POSTUPKA za koji je dana 14. 06. 2017. godine na Portalu javnih nabavki BiH, objavljeno Obavještenje o nabavci broj: 999-1-2-125-3-21/17.

### **I-PREDMET UGOVORA**

#### **Član 1.**

Predmet ovog Ugovora su usluge:

Pristup globalnom internetu II Lot 2. za potrebe i po zahtjevu Ugovornog organa, u skladu sa Tenderskom dokumentacijom broj: 0101-3358-4/17 od 14. 06. 2017. godine (u daljnjem tekstu: Tenderska dokumentacija) i Ponudom Izvršioca broj: 133-02-SA/17-LOT 2. od 04. 07. 2017. godine (u daljnjem tekstu: Ponuda Izvršioca).

Izvršilac se obavezuje da u skladu sa Ponudom Izvršioca i pozitivnim propisima koji uređuju predmetnu oblast, izvrši nabavku predmetne usluge.

Ponuda Izvršioca je u prilogu i čini sastavni dio ovog Ugovora.

### **II-CIJENA**

#### **Član 2.**

Izvršilac će nabavku predmetne usluga izvršiti po cijeni koja je data u Ponudi Izvršioca u iznosu od ukupno:

24.000,00 KM bez PDV-a

(slovima: dvadesetčetirihiljade KM i 00/100), što sa uračunatim PDV-om iznosi:

28.080,00 KM sa PDV-om (slovima: dvadesetosamhiljadaosamdeset KM i 00/100).

Cijena predmetne usluge iz člana 1. ovog Ugovora je nepromjenjiva za vrijeme trajanja ovog Ugovora.

### **III-NAČIN PLAĆANJA**

#### **Član 3.**

Ugovorne strane su saglasne da će Ugovorni organ izvršiti plaćanje predmetnih usluga u roku od (30) trideset dana od dana dostavljanja potpisane i ovjerene fakture od strane Izvršioca.

Faktura se dostavlja mjesečno na adresu Ugovornog organa, Obala Kulina bana 7/II, 71 000 Sarajevo (Pisarnica).

Plaćanje se vrši po dospijeću na Transakcijski račun Izvršioca.

#### **IV-MJESTO VRŠENJA USLUGA**

##### **Član 4.**

Predmetne usluge će se vršiti u organizacionoj jedinici Naručioca Univerzitetskom tele-informatičkom centru, Zmaja od Bosne bb, (Objekat br. 33.).

#### **V-OBAVEZE IZVRŠIOCA**

##### **Član 5.**

Izvršilac se obavezuje da predmetne usluge za Lot broj 2. izvrši u skladu Tenderskom dokumentacijom i Ponudom Izvršioca.

#### **VI-OBAVEZE NARUČIOCA**

##### **Član 6.**

Ugovorni organ se obavezuje da će fakture za predmetne usluge plaćati u skladu sa članom 3. ovog Ugovora.

#### **VII-KONTAKT**

##### **Član 7.**

Ugovorni organ i Izvršilac ugovaraju slijedeće osobe za kontakt:

Ugovorna strana	Kontakt osoba	Kontakt telefon
Ugovorni organ	Enes Halilović	(033) 560-240
Izvršilac	Benjamin Bašić	(033) 931-932

#### **VIII-TRAJANJE UGOVORA**

##### **Član 8.**

Ovaj Ugovor se zaključuje na period od jednu (1) godinu.

#### **IX-RASKID UGOVORA**

##### **Član 9.**

Svaka Ugovorna strana ima pravo jednostrano raskinuti ovaj Ugovor.

Ugovorni organ ima pravo jednostranog raskida ovog Ugovora i zadržati pravo na naknadu prouzrokovane štete, ukoliko se Izvršilac ne pridržava odredaba ovog Ugovora u cijelosti, kao i u slijedećim slučajevima:

1. ukoliko Izvršilac kasni sa vršenjem usluga;
2. ako kvalitet usluga ne odgovara ugovorenim;
3. ukoliko Izvršilac ne otkloni nedostatke po primjedbama Ugovornog organa;
4. ako Izvršilac iz bilo kojeg razloga izuzev više sile, dođe u situaciju da ne može izvršiti ugovorene usluge.

Obavijest o jednostranom raskidu ugovora mora se dostaviti drugoj Ugovornoj strani isključivo u pismenom obliku i obavezno navesti osnov raskida ugovora.

Otkazni rok iznosi (30) trideset dana, u kojem je Izvršilac dužan osigurati zamjenske usluge.

U slučaju raskida ugovora, Ugovorne strane su saglasne da će u svemu izvršiti međusobne uzajamne obaveze nastale do tog roka.

#### **X-POSLOVNA TAJNA**

##### **Član 10.**

Izvršilac se obavezuje da će u vremenu trajanja ovog Ugovora i po njegovom prestanku kao poslovnu tajnu čuvati sve informacije koje sazna u vezi sa obavljanjem poslova utvrđenih ovim Ugovorom i ostale podatke koji su Izvršiocu dostupni, a odnose se na Ugovorni organ i njegovo poslovanje, te da iste neće ni pod kojim uslovima saopštavati trećim licima.

## XI-RJEŠAVANJE SPOROVA

### Član 11.

Sve eventualne sporove do kojih dođe u realizaciji ovog Ugovora, a koji se ne mogu riješiti sporazumno u duhu dobrih poslovnih odnosa, rješavat će nadležni sud u Sarajevu.

## XII-ZAVRŠNE ODREDBE

### Član 12.

U skladu sa članom 72. stav (6) Zakona o javnim nabavkama BiH, Izvršilac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

### Član 13.

Ugovorne strane su saglasne da se za sva druga pitanja koja nisu regulisana ovim Ugovorom, a budu od značaja za implementaciju istog, kao supsidijarna pravila primjenjuju norme Zakona o obligacionim odnosima.

### Član 14.

Sve izmjene i dopune ovog Ugovora mogu se vršiti samo uz postignutu pismenu saglasnost Ugovornih strana.

Bilo kakvi usmeni dogovori predstavnika Ugovornih strana neće imati pravni značaj.

### Član 15.

Ugovorne strane su saglasne da će se sva korespondencija u vezi sa izvršenjem ovog Ugovora voditi putem svojih ovlaštenih osoba za kontakt.

### Član 16.

Ovaj Ugovor stupa na snagu kada ga potpišu i ovjere ovlašteni predstavnici Ugovornih strana. Datum kasnijeg potpisivanja ovog Ugovora, smatra sa datumom stupanja na snagu ovog Ugovora.


### Član 17.

Ovaj Ugovor je sačinjen u 4 (četiri) istovjetna primjerka, od kojih po 2 (dva) primjerka zadržava svaka Ugovorna strana. Svi primjerci važe kao original i imaju jednako pravno djelovanje.

ZA UGOVORNI ORGAN

Rektor

Prof. dr. Rifat Škrijelj



ZA IZVRŠIOCA  
Zamjenik direktora

Damir Dizdarević

Izvršni direktor za finansije

Žana Čubrilović